

# ANA ITERANIBA AONON TE BETEBEKE

AIA RONGORONGO TAAN KAIRIIRI

## Onimaki, Utu, ao te Inaomata

Iroun Unimwane Dallin H. Oaks

Man te Kooram n Abotoro n te Tengaun ma Uoman

Tariu ao mwaneu aika kam tangiraki. I namakina te kakabwaia ni kona n taetae nakoimi.



### I.

I namakinna bwa N na moana au maroro nakoia ara rororikirake ao ikawai aika a tuai n iein. Ngkami aika kairake kam a roko n te tai ae rang kakawaki inanon maiumi. I kau-ring ngkami n iangoi taai aika a na roko. Aio e rang kanganga irouia kairake, riki te rororikirake. Ma taiaoka kakoauai bwa babaire ake kam karaoi n te bong aei e na rang korakora mwiina nakon maiumi n ririki aika a mwaiti aika a na roko. I tangiria n taetae nakoimi n aron naba taetaeu nakon tibu ae 29 ana ririki.

Te reirei bon teuana te katoto. Ibukiia aika kairake, te mwakuri are e waekoa ni karekea te karekemwane ao te raunnano e na taraa n anainano. Tabeman mai irouia kairake a kitana te reirei ngkana a anganaki te rinerine aei. Ma ngkana ko kabotaua ma kakaawakin te mwakuri are e kona n reke iai boom ma tamaroan te reirei n ua bongin maium, reitan am reirei e matata bwa bon te rinerine ae te kabanea n tamara. Tai riki bwa temanna mai irouia ake a kiitana te reirei ibukina bwa e a kanganga ke ibukina bwa e katikaki nanom ni bwaai tabeua. Karekea mwaitin te reirei are ko kona. Te reirei e na kona ni karekei bwaa i bon ibukim ao am utu ao naake ko tangiriia n ririki aika a na roko. Aki taun te reirei e na tauko n te boo ae uarereke ao te rawawata inanon maium.

### II.

Mitinare ake a bane aia tai, I kamatoa kakaawakin te reirei nakoimi, ma iai bwaai aika I kan raoni n taekinna nakoimi.

N te tabo ni mitinare iai toam ae tamara, te boaaki n tuan te mition, ao te kairiiri mai iroun am beretite-nti n te mition ao taan kairiiri n te mition ake tabeman. Inanon te enuwarenta anne ko karekea te rikirake ae korakora n am konabwai n reiakina te euangkerio, ni beku ibukin te Uea, ao n ongo n ana wirikiriki te Tamnei ae Raoiroi are e kairiko n te bwai are ko na karoia. Ngke ko oki man am mition, iai am rinerine ae rang kakaawaki ae ko na karoia. Te rinerine aei bon imarenan maiuakinan te maiu imwain am mition, ke tauakin te kawai are ko reiakinna ni maiu inanona n te tabo ni mitinare. Tera te rinerine ae ko karoia?



Unimwane  
Dallin H. Oaks



Tera te rinerine ae ko karaoria  
n te bong aei?

Tariu ao mwaneu, I tangirii ngkami bwa kam na taui bwaai aika kakaawaki ae akea tokia ake kam reiakin n ami tai ni mitinare. Ngkana kam a tia ni kiitani, I tangirii ngkami bwa kam na okirii. Ira te botaki n toa ni katoa Tabati ao anaa te toa bwa kam na tau ibukin berita aika korakora are e na “kareke tamneina n tainako bwa e na rao (niko)” (taraa D&C 20:77). Karaoa am kamatebwai n korboki aika a tabu ni katoabong n aron are ko karaoria n am tai ni mitinare. Tai oki rikaaki n ongora aekaki ni katangitang aika biritinanikun te kantaninga ao aika urua te maiu n tamnei. Nakon am bitiobi ao tuangnga bwa e na anganiko nakoam n te Ekaretia. Beku ibukin te Uea ao raom. Riki bwa te aekaki ni mitinare ake a kinaaki bwa “RM” are nanona bwa mitinare aika oki, tiaki “Mormon aika bane aia tai.”

Tiku ma am utu. Taua katein abam are ko riki mai iai, te aekaki ni katei are e kairiko nakon te anua ae tamaroa, te utu ae korakora, ao kain te aba ae raoiroi, ao ana toro te Uea. Te kabanea, rereitaki ma rao

aika tamaroa, aekaki n aomata ake ko tangiria bwa raom n aki toki ibuakoia are a na riki bwa toam are kona kairia nakon te tembora, ni kakoaua bwa ami reitaki ae tamaroa e na reitinako n akea tokina.

### III.

Ngkai iai te bwai ae N na taekinna nakoia kaaro ao taan kairiiri n te Ekaretia ake a irekereke ma mitinare ake a oki. Kaaro, ngke a nako natimi mwaane ke aine nakon aia mwakuri ni mitinare, teuanne ke neienne bon te roro ae tebwi tabun, e kabaeki iaan am kariaia ao e korakora ana katan iaan am kairiiri ao am boutoka. Ngke e a oki am mitinare, teuanne ke neienne e a riki bwa te ikawai-te kairake n ikawai ae tuai n iein. Ikawai aika tuai n iein a riai n aki karikaki bwa ataei, ao a riai n aki kantningaia bwa kona boutokaia ao ni kairiia ni bwaai ni kabane ake a karaoi. Taiaoka, kaaro, karieia mitinare ake a oki n aroia ikawai are bon ngaiia. Kaungaia bwa a na reirei ma ngaia, ma n aki karaoria kanga ataei.

Bitiobi ao titeiki beretitenti, I taekina ae aekakin aei nakoimi. Mitinare aika a oki aikai a tia ni kataneiaaki n ae rietata ao

n riki bwa ana toro te Uea. Ngkai ana toro te Uea ao te tia kairiiri ae weteaki man Ana Ekaretia, I taekinna nakoimi, taiaoka n anganii mitinare aika oki nakoia n te Ekaretia n te tai ae waekoa ngkana a oki man aia mition. Kammwakuriia n te Ekaretia. Ti riai n aki kabuai aia taneiai ao nakoia ae korakora bwa banna ni katoto, riki ibukia kairake mwane ao aine. Kammwakuriia n te angareirei ao te kairiiri. Ngkana aio e ka nanona kamotirawakiia mwaane ao aine aika a maan inanon te taneiai ni karekei nneia ibukin weteakiia kairake n ikawai aika a tuai n iein, wareka anne bwa kanuangan te kataneiai ao kateimatoan te roro ae tabe n rikirake, ao karaoria. Te membwa ae a ikawai ae e a mwaatai e kona n reitinako n aki taua te nakoia. Ma ti kainnanoa te wewete ao n reitinako ni kataneiai ibukiia kairake n ikawai aikai ake bon taan kairiiri n te Ekaretia.

### IV.

Ngkai I taekini tabeua bwaai aika a kakawaki. Ikai n te United States ti taetae nakoia raora aika kain te aba—Aomata aika Itiaki ao aika tiaki Aomata aika Itiaki—iaon iango aika teniua:



onimaki, utu, ao te inaomata. I kakoaua bwa iango aikai e bootau kakawakina nakoimi tariu ao mwaaneu n te Betebike. I waaki moa ma te reirei n te utu ao reitakina nakon tibwanga ni karo ao kaaro n tai aika a na roko.

Iangoi taeka aika a anainano man te Katanoata nakon te Utu:

“Ngaira . . . ti katanoata bwa te mare imarenan te mwaane ao te aine e katabuaki mai iroun te Atua ao bwa te utu e boboto n ana baire te Tia Karikibwai ibukin maiuia Natina n te maiu are akea tokina. . . .

“Te utu e katabuaki iroun te Atua. Te mare imarenan te mwaane ao te aine e kakawaki n Ana baire ae akea tokina. Ataei

a katauaki ni bungiakiia inanon te kabaeki n te mare, ao ni kai-kawaaki iroun te karo ao te tina ake a karinea aia berita n te mare ma te onimakinaki ae bwanin.”<sup>1</sup>

Te kabwarabwara aei n ana baire te Atua—koaua aika akea tokiai aika ti butimwai ao akea te mwaaka ni bitia—e anganiira te kantaninga are aki kariaia babaire tabeua ibukiia ataei ke kabwarabwara tabeua n te mare, e ngae ngke a kariaiakaki n te tua.

Ara reirei e waki ma kaaro ake i karawa. Ana euangkerio Iesu Kristo bon ana baire Tamara are i Karawa, ibukin kabwaiaia natina n tamnei. Te baire n te euangkerio e karaoaki rinanon taian utu iaon te aba. Ngkai kaaro ti iri n te baire anne ni karekean rabwataia natira n tamnei mai irouwia ara Karo i Karawa. Ti karaurau ni kamatoa bwa bwanin te mwakuri ni kamaiu ae akea tokina bon te reitaki n te utu, are ti kan kareke ake i reitianako n akea tokina.

Ti kona ni kangai bwa te baire n te euangkerio e boboto iaon te kauntira n te utu ae akea tokina, e kateaki rinanoia ara utu iaon te aba, ao iai tokin kawaina n ara utu ae akea tokina.

Tariu ao mwaneu, I kakoaua bwa bwaai aikai a bon koaua.

Ngkana iai ara onimaki n taui ni kamatoai koaua aikai, ti na kakabwaiaki n te maiu aei, ao n tainako n taai aika a na roko.

Te Ekaretia aei e tei bwa e na karekean nakoia natin te Atua mwaane ao aine te kona n rin ao ni karietataaki n te abanuea are te tiretio. E eti taekana are Ana Ekaretia Iesu Kristo Ibukiia Aika Itiaki ni Boong Aika Kaitira te ekaretia ae boboto iaon te utu, n te reirei ao n te mwakuri. N te tai are te aonaaba e taraa ni kabua otana n bonganen te mare ao kakawakin bungiakin te nati, e rang kakawaki bwa ngaira Aika Itiaki ni Boong Aika Kaitira ti na aki kamoaki n taekan bwaai aikai. Inanon aia utu Aika Itiaki ni Boong Aika Kaitira iai te karo ao te tina, tiaki te tina ao toana—tiaki te karo ao toana. Iai te karo ao te tina. Ao ti riai n tainako n taekiniia ara karo n te aro anne.

Ngaira, ni bon arona, ti ataia bwa n aba aika a mwaiti n te aonaaba, n ikotaki ma Aanon te Betebike, ao n titeiki aika mwaiti n te United States, te tua e kariaia te bwai ae atongaki bwa te “mare” bwa e na karaoaki imarenan te aine ao te aine, ke imarenan te mwane ao te

mwane. Ma anne e aki bita te koaua n te karikibwai are tii te mwane ao te aine n ikotaki a na karekea te kona ni karikiia ataei. Ae kakawaki riki, bitaki n tuan te tautaeka e aki bita ana baire te Atua, ke te tua are E anganiia Natina. Ngkai te Moan Beretitentii e kauringiira n te reta ae ngkai naba: “Te Atua e kantani ngaira bwa ti na kateimatoai ao ni kawakin Ana tua ni kaineti ma iango aika uamaenako ke te kawai are a kan nako iai te botannaomata.”<sup>2</sup>



## V.

Ni katein te mare imarenan te mwaane-aine bon te reirei n te aro, ma e nano riki. Te mare

e nano riki nakon te kabaeaki imarenaia uoman aomata ni kariaiakaki aia tangira ao ni karekea ibukin te reitaki ae kabaeaki. Te katei n te mare e kakawaki n te tua n aomata ibukin karikaia ataei ao n reireiniia n riki bwa ikawai aika iai tibwangaia.

A mwaiti kamatebwai aika a tia ni kaotia bwa te buumwane ao te buuaine ake a ikotaki inanon te tangira, te mare ae kabaeaki e karekea te enwaromenta ae te kabanea n tamaraoa ibukin kawakinaia, ribanaakiia, ao karikirakeaia ataei. Ma iaon anne, te mare n te katei iroun te mwane ao te aine e a tia n riki bwa te baeten inanon ririki aika nga ma nga ibukina bwa utu a kairaki iroun te tina ae tangira ao te karo ae beku bwa aan te kateitei ibukin kabutan te roro n taai aika a na roko te korakora ae tamaraoa ae kakawaki are bongana nakon te rikirake. Akea te oneanimwi ibukin te tina ao te karo ae maiu. Inanon 1948, aban te aonaaba e kana-koa Katanoataan Inaomataia Aomata n te Aonaaba, are e kamatoa bwa “te utu bon oin te kurubu ao e aanaki ni katean te botannaomata.”<sup>3</sup>

Ana Ekaretia Iesu Kristo Ibukiia Aika Itiaki Ni Boong Aika Kaitira e kamatoa bwa natin te Atua iai inaomataia ni bungiaki ao ni kaikawaaki inanon te mweenga ma aia karo aika mareaki ae te mwane ao te aine, n aki riki bwa mwakoron kakatai tabeua. Iai te bwai ni kakoaua ae bebete n ririki aika nako bwa ataei a kona n tamaraoa riki aia konabwai man anga aika mwaiti ngkana a karikirakeaki n te mweenga ma aia karo aika kaokoro aroia n mwaine. Ti riki n arora ae ngkai n teimatoa man ngko—a butanakon te kariki ae kakawaki inanon roro aika mwaiti. Ti na tei ibukin kabwaiaia natira nakon taai aika a na roko.

## VI.

Kaaro iai tibwangaia are a anganaki iroun te Atua bwa a na reireiniia natiiia. Beretitenti David O. McKay e anga ana maroro ae katekenano:

“Te mweenga bon te moan tabo ae moan te nakoraoi ibukiia ataei n reiakina te reirei n te maiu: koaua, karinerine, tamaraoa, te kona n taonakinnano; kakawakin te reirei, kokoaua n te mwakuri, ao bonganen te tibwanga n te maiu. Akea te



bwai ae kona n oneamwiin te mweenga ni karikirakeia ao reiakinaia ataei, ao akea riki tokanikai tabeua aika kona ni kabomwi ibukin te kabwaka inanon te mweenga.”<sup>4</sup>

N taai aika tibwa riki, te Moan Beretitentii e a tia ni weteia kaaro “bwa a na karaoa aia kabanea n tamaraoa n reiakiniia ao ni kaikawaia natiiia inanon reirein te euangkerio. . . Te mweenga bon aan te maiu ae tamaraoa, ao akea riki bwaai tabeua aika e kona n onea mwiina . . . inanon . . . te tibwanga are e anga te Atua.”<sup>5</sup> Ni mweengaia, aia karo a kona n reireiniia natiiia inanon te tangira, man te tua ao te

banna ni katoto. Karo a riai n aki kanakoi tibwangaia nakoia tabeman. Aron naba te tabo n reirei are a maeka iai ataei ae te kabanea n tamaraoa e aki kona n onea mwiin aia reirei kaaro are e na kaira te teei nakon te maiu ae akea tokina. Beretitentii Ezra Taft Benson e reirei: “Te utu te kabanea n tamaraoa n tabo ni karekei bwaai aika a kakawaki nakoia membwa.”<sup>6</sup> Te katoto, reirei ao tautaeka a kona n reireiniia ataei n taikan inaomataia, ma te maiu ae akea tokina e aki karekeaki man taekinan inaomataia. Te maiu ae akea tokina, “te kabanea ni korakora ni bwaintangira iaoia ni kabane mai iroun te Atua” (tara D&C 14:7), e reke man kakoroan nanon taian tibwanga, ao te mweenga bon te tabo n reirei iaon nakoa ao tibwanga.

Kaaro, te tibwanga aei n reireiniia natira e moamoa kakawaka. Te Moan Beretitentii e a tia n taekinna bwa “e ngae ngke e tau ao e riai kairoro tabeua ke waaki a kona n riki, a riai n aki kariaiakaki bwa a na katibankoa kakawakin te tibwanga mai karawa are bon tii karo ao utu a kona ni karaoia n ae tamaraoa.”<sup>7</sup> Tabeua mwakuri

aika a rang kakawaki ni kakoroan nanon ana mition te Ekaretia e na roko mai irouia karo ake a reireiniia natiiia te reirei ao katein te Ekaretia, man kaetieti ao man te banna ni katoto.

## VII.

Ia tia n taekin reirei n te utu, ao tabeia kaaro n reireiniia natiiia. Ma ni kaokan te euangkerio iai riki ae raka nakon te reirei n te utu ae karineakiia ara karo n te maiu n rabwata ao reiakinaia natira. Ti ataia man kaotioti aika ngkai ao reirei ni burabeti ake a kanakoi n tibwangan ara utu nakoia ara bakatibu ao nakoia naba natira. Ibukiia aika a maiu ao aika mate, otenanti aikai a kainnanao karaoakiia n te maiu n rabwata. Aio teuana bukin kakawakin taian tembora ake



a tia ni kateaki ni kabuta te  
Betebeke Maiaki.

I kukurei n ongo bwa ami beretitentii n te aono e kaungaia ni kabane kairake ao ikawai bwa a na karekea aia bee bwa ni kariaia nakon te tembora, ni kinaia kain aia utu ake a tia ni mate rinanon katiaan te boki ae uarereke, Au Utu, ao n uotakin ao kanakoakin aria aia utu nakon te tembora ibukin te mwakuri n otenanti. I kaungai ngkami bwa kam na ira aia kai-riiri ami beretitentii n ami aono. Kairake ao kaara, karekerekei ngkami n te mwakuri ni kamaiu ae korakora irouia membwa ao ara utu—ara bakatibu—ake a tia ni mate n aki reke aia tai n iri otenanti aika kakaawaki akanne n te bwabetito, karaoaan berita aika tabu are ti weteaki n te entaumente n te tembora, ao otenanti akanne n te mare n te tembora.

### VIII.

I a tia ngkai n taetae iaon te onimaki ao te utu. N aron are I taekinna mai imwaina, n te United States ngkana ti taetae iaon te onimaki ao te utu, ti taekina naba te inaomata, are nanona te inaomata n rinea antai ao ko na kanga n taromauri

ao ni kanga ni karaoi tabera n te aro. Anne naba te inaomata n te Betebeke. Kabongana te inaomata are koa tia n anganaki. I kairoroiko naba bwa kona aki maaku n taetae iaon am onimaki n te aro ao ana reirei te Ekaretia are e kaokaki. Ti bubutia n inaomataia ara taan kairiiri ao membwa bwa a na kaota ao n taekina ara koaua n ara aro iaon te mare, utu, maiu ae mamate, inaomata man te tua ke tian ara waaki.

Inaomatara n te aro ae kakawaki e uota naba te tibwanga ni karineaki nakoia ake a aki kariaia ara reirei ke ara mwakuri. I abami iai rongorongona bwa te aba ae korakora iai te reeti n aomata ae nakoraoi—e aki kororaoi ma e rang nakoaoi ni kariaia aomata bwa a na kaiangatoa n aia kataratara ni maiu n ikotaki inanon te rau. Ti bane n tangiria ni maeka n ikotaki inanon te kukurei ao te rau. Ti bane n tangiria ni maiu n ikotaki inanon te komiuniti n akoi, tataonannano, ao n ota. Ti bane n tangiri kawai aika nakoraoi ni kaboraoi iango aika kakaokoro n akea te unra ke te itabarara ao te reitaki ae nakoaoi ao ni maeka. Ni karekean kouru aikai ti riai ni karekean

te karinerine ae boraoi nakoia tabeman ake aia koaua, kakawaki, ao anuaia a kaokoro ma ngaira. Aio e aki kananonaki bwa ti na kakeaia ke ni katikui kaokorora, ma ti na reiakinna ni maiu ma tabeman ake aki tibwauai.

Te katoto, naake a katan iaon ao ni kabongana te tua are e kariaia te mare irouia ni mwaine a riai bwa a na anganaki karineiaia. Ana euangkerio Iesu Kristo e reireiniira bwa ti na tangira ao n akoi nakoia aomata ni kabane ma te karinerine, riki ngkana ti aki booraoi n iango.

### IX.

Ni kainiin, I kauringira bwa ti na matoa inanon tibwangara n ara aro n riki bwa taan kakaaua iroun te Atua.

Te Abotoro Ioane e reirei: “Ao tamnei nako aika a aki kaota tauani bukin Iesu ao tiaki mairoun te Atua: ao bon aei tamnei te antekirito, are kam ongo ba e nangi roko; ao bon ae i aon te aba ngkai” (1 Ioane 4:3)

Ngkana ti kabwaka n taetae bwa ana tia kakoaua te Atua ao Ana reirei, ti riki kanga ai aron te taoro n ana reirei te Tia Kamaiu n taekan te taoro

are e “mauna tarin taorona.” N irengan ma bwaai tabeua—ai aron are ti kona ni mauna man bwain aon te aba—te taoro e bua kakawakina n te rengarenge ae mwaiti. Ngke e reirei te Tia Kamaiu, bwa te taoro “ngkana e mauna tarina, ao akea uani mwina, ma ti te teweaki nako, ao te toubekaki irouia aomata.” (Mataio 5:13)

Raou aika Itiaki ni Bong Aika Kaitira, “tarin te aba ngkami.” Ti

riai ni kateimatoa ara tia kamaiu man maiuakinan ara aro ao ni kamatoaira bwa ana taan kakoaua te Atua. Ngkana ti karaoa aio, ti reitiira ma naake a na kakukureia n reken te tokanikai n te koaua ao te etieti, ao ngkana “a bane bubuaniwae ni katorobubua . . . ao ana bane newe ni karaorioa” te Atua ao te Uea Iesu Kristo (taraa I-Rom 14:11), are ti taromauriia ao are ti toro irouna. I kakoauaia ao n

uotarake aia kakabwaia n aran Iesu Kristo, amen. ■

#### BWAII NI IBUOBUOKI

1. “The Family: A Proclamation to the World,” *Ensign*, Nov. 1995, 102.
2. Letter of March, 2014.
3. United Nations, “Universal Declaration of Human Rights,” General Assembly Resolution 217 A (III), Ritembwa. 10, 1948.
4. *Family Home Evening Manual*, 1968–69, p. iii.
5. First Presidency letter, Feb. 11, 1999; printed in *Church News*, Feb. 27, 1999, 3.
6. Ezra Taft Benson, “Fundamentals of Enduring Family Relationships”, *Ensign*, Nov. 1982, p. 59.
7. Source cited in note 5.



# Kakorakoran te Mare

bukiia membwa, te mare bon te bwai ae kakawaki  
n taneiai iaon te aba n iai mwiina ae akea tokina.  
Te Utu: Te Katanoata nakon te Aonaaba, e taekinna  
bwa “Mare imarenan te mwaane ao te aine e kaka-  
waki n ana baire [Tamara are i Karawa] ae akea  
tokina”<sup>1</sup>. E ngae n anne, iai mare aika aki kakuku-  
rei. N tabetai, te bwai ae moan te kakaawaki ibukin  
te mare ae kakukurei aki butimwaeaki a ri-riki, ao  
a reke man bwaai aika aki rang bongana n aron  
Kanakobwana, mwakuri, takakaro, nakoa n te  
ekaretia ao nanon te botanaomata. Ngkana aekakin  
kakukurei aikai a riki bwa moanibwai, te maenako  
n te mare e na buti. Beretitenti James E. Faust e tae-  
kinna n tabeua taekana ni kangai “N au taneiai iai  
riki teuana bukin [te raure] are e taraa n aki otara  
. . . Bon kerikaakin kakukurei ae teimatoa inanon  
te mare. Bon akea te bwai are e raka are e karikira  
bwa te bwai ae kakawaki, ae onoti man kamimi  
ngkana e a matoatoa, kanganga ao ni burauati.”<sup>2</sup>

E katanoata imwiina Beretitenti Faust; "Inanon karikirakean te mare bon bwai aika uarereke are a riki bwa bwai aika bubura".<sup>3</sup> Te kooti iaon Kako-rakoraan te Mare<sup>4</sup> e karekei 4 mwakuri ni buoka karikirakean te mare:

- **Karekea te tai ibukimi.** Beretitenti Gordon B. Hinckley e taku, “akea [ngaira] ae kakawaki riki . . . Ngkana a bane n taekinaki ao ni katiaaki, bon te reitaki n te utu are ti na uotia inanon te maiu aei ao are iaona”.<sup>5</sup>
  - **Kakukurei ngkami ni kabane.** Waaki ni kakukurei aika kaunga a rang korakora aia anainano. Takakaro, karekean te motirawa bon akea tokiiia.

- Maroro n Tainako  
ma te Aro ae

**Koaua.** Beretitenti Faust e tibwa “rei-taki inanon te mare e kona ni katama-roaki ni kawai aika nga, n aron te moangare, kaaran te ira, riingan raom ao uringan taekinan “I tangiriko” ni kato-abong ao te buu-mwane e na kangai “Ko botonnaine”. Taeka riki tabeua, ngkana a riai, bon “Kabwara au bure”. Te kakauongo bon te reitaki ae rang n tamaroa.”<sup>6</sup>

- **Karaoa te mwakuri n akoi.** Buumwane ao buuaine ibuobuoki [imarenaia] ngkana a kaota te karinerine ni koaua, akoi ao te tangira imarenaia.<sup>7</sup>

[www.providentliving.org/lds-family-services/strengthening-marriage?lang=eng](http://www.providentliving.org/lds-family-services/strengthening-marriage?lang=eng) ■

## BWAAI NI IBUOBUOKI

1. "The Family: A Proclamation to the World", *Ensign*, November 1995, 102.
  2. James E. Faust, "The Enriching of Marriage", *Ensign*, November 1977, 10.
  3. *Ibid.*
  4. LDS Family Services *Strengthening Marriage: Instructor's Guide* 2006, 60–61.
  5. *Ibid* p. 58.
  6. *Op Cit*, Faust p. 10.
  7. LDS Family Services *Strengthening Marriage: Instructor's Guide* 2006, 60–61.

